

স-২০১৬

আগৰতলা, ৩ ডিসেম্বৰ, ২০২৪

প্ৰেস কনফাৰেন্স' চামুঙ নায়খুঙনি মন্ত্ৰি
খাৰিফ মৰশুমঅ হুকুৱাৰ খীলায়নায়ৰকনি থানিনি চুবামুঙ গীনাঙ
ৰাঙ বায় ২১,৩১৫ মেট্ৰিকটন মায়চীলাম পায়নানি নায়মাৰি ৰমজাকথা

খাৰিফ মৰশুমঅ হুকুৱাৰ খীলায়নায়ৰকনি থানিনি চুবামুঙ গীনাঙ ৰাঙ বায় ২১,৩১৫ মেট্ৰিকটন মায়চীলাম পায়নানি নায়মাৰি ৰমজাকথা। কেজি থীগীই মায়চীলাম ৰাঙ ২৩ টাকানি দৰ' পায়জাকনায়। বাঁসকাঙনি ১৯ ডিসেম্বৰ ২০২৪ নি সিমি হাসতেঅ চুবামুঙ গীনাঙ ৰাঙ বায় মায়চীলাময় পায়নানি সামুঙবীতাং চেঙজাকনায়। থাঙনায় ২ ডিসেম্বৰঅ তাঙনক কতৰনি প্ৰেস কনফাৰেন্স হল' কায়সা প্ৰেস কনফাৰেন্স' চামুঙ নায়খুঙনি মন্ত্ৰি সুশান্ত চৌধুৰী অ কক সাখা। প্ৰেস কনফাৰেন্স' ব' সাখা, বিসিবুৰুম হুকুৱাৰ খীলায়নায়ৰকনি থানিনি খাৰিফ তেই ৰবি মৰশুমঅ চুবামুঙ গীনাঙ ৰাঙ বায় মায়চীলাম পায়জাকথা। থাঙনায় মৰশুমঅ মায়চীলাম পায়জাকথা ৰাঙ ২১ টকা ৮৩ পয়সানি দৰ'। মায়চীলাম পায়মুঙগ' চুবামুঙ গীনাঙ ৰাঙনি মাৰিব' বাঙৰীজাকথা। তাকলায় কেজি থীগীই ৰাঙ ২৩ টাকানি দৰ' পায়জাকনায়। ব' সাখা, হাসতেৰেমঅ চুবামুঙ গীনাঙ ৰাঙ বায় মায়চীলাম পায়মুঙ সামুঙবীতাং তেৰনি বিসিংতীই চেঙগীই ৰীজাকনায় জিৰানীয়া মাধববাড়ি ট্ৰাক টাৰমিনাস সেন্টাৰঅ। আবনি লগিন' হাসতেনি জুদা জুদা হাঙখৰ আমচায়' ৪৯টা থায়' হুকুৱাৰ খীলায়নায়ৰকনি থানিনি চুবামুঙ গীনাঙ ৰাঙ বায় মায়চীলাম পায়নানি বাৰ্গীই সেন্টাৰ ফিয়কজাকনায়। চামুঙ নায়খুঙনি মন্ত্ৰি সাখা, খাৰিফ মৰশুমঅ হুকুৱাৰ খীলায়নায়ৰকনি থানিনি চুবামুঙ গীনাঙ ৰাঙ বায় মায়চীলাম পায়মুঙগ' ৰীগীই থাঙনায় ২ ডিসেম্বৰ' হুকুৱাৰ নায়খুঙনি মন্ত্ৰি ৰতনলাল নাথনি মানজাকমুঙ বায় এসডিএম, বিডিও, হুকুৱাৰ নায়খুঙনি তাঙফাঙৰক তেই চামুঙ নায়খুঙনি জুদা জুদা ৰেমনি তাঙফাঙৰকন' তীয়য় কায়সা ভাৰ্চুয়াল পানদা সঙচাজাকথা।

প্ৰেস কনফাৰেন্স' চামুঙ নায়খুঙনি মন্ত্ৰি সুশান্ত চৌধুৰী সাখা, ২০১৮ বিসিঅ হাসতেঅ তাবুকনি হাফাঙ সঙচাজাকফুকনি সিমি খাৰিফ তেই ৰবি মৰশুমঅ বিসিঅ উয়নীয় হুকুৱাৰ খীলায়নায়ৰকনি থানিনি মায়চীলাম পায়মুঙ সামুঙবীতাং সঙচাজাকগু। ২০১৮ বিসিনি সিমি তাবুক জৰা হাফাঙনি লুউজিমুঙগ' জতই ২ লক্ষ ৭ হাজাৰ ৮৫৯.৬৯৬ মেট্ৰিকটন মায়চীলাম হুকুৱাৰ খীলায়নায়ৰকনি থানিনি পায়জাঙ। আব' বায় হাসতে হাফাঙনি পায়খা ৰাঙ ৪০৫ কোটি ৮৮ লক্ষ। বনি বিসিং ১ লক্ষ ৮ হাজাৰ ১২৭ জনা হুকুৱাৰ খীলায়নায়ৰকনি হামক্ৰায় আঁঙখা। ব' সাখা, আব' হুকুৱাৰ খীলায়নায়ৰকনি আজিমুঙ কুসুঙনীয় খীলায়নানি তেই বৰগনি থায়জাক বীথায়ৰকন' কাহাম মাৰিনি দৰ ৰিউই ৰাঙথঙগ' কীৰাক খীলায় তিসানাঅ হাসতে তেই কেন্দ্ৰ হাফাঙনি অ লুউজিমুঙ প্ৰেস কনফাৰেন্স' বন' কাৰীইব' মানজাক ফায়খা চামুঙ নায়খুঙনি দাগিফাঙ সুমিত লোধ তেই হুকুৱাৰ নায়খুঙনি দাগিফাঙ শৰদিন্দু দাস।